

二十四史九通政典類要合編

南北朝

第六冊

新學
社
PDG

二十四史九通政典類要合編卷一百十五

南北朝十七

嘉禮宋朝儀 南齊朝儀 梁朝儀 陳朝儀 魏朝儀 北齊朝儀 周朝儀 隋朝儀
天子加元服 皇太子冠 諸侯大夫士冠 天子納后妃 崇冊皇太后冊后附

宋皇太子納妃 南齊皇太子納妃 梁皇太子納妃 陳皇太子納妃
北齊皇太子納妃 周皇太子納妃 隋皇太子納妃 公卿大夫士庶婚

讀時令 冊拜皇太子 冊拜諸王侯
鄉飲酒 宴饗

宋因晉制無所改易唯朝至十刻乃受朝賀并皇太子在三恪之上通考禮考

宋世晝漏至十刻乃受賀南齊書禮志

武帝永初元年十二月有司又奏元旦依舊設樂宋書禮志

永初中詔曰慶冬使或遣不役宜省今可悉停惟元正大慶不得廢耳郡縣遣冬使詣州及都督府

者亦宜同停宋書禮志

右宋朝儀 元旦冬至受朝賀附

元會大饗四廂樂歌辭宋黃門郎王詔之造齊徵改革多仍舊辭其臨軒樂亦奏肆夏於鑠四章南齊書樂志

志

右南齊朝儀 元旦受朝賀附

梁元會之禮未明庭燎設文物充庭臺門闔禁衛皆嚴有司各從其事太階東置白獸樽羣臣及諸

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

蕃客並集各從其班而拜侍中奏中嚴侍中扶左常侍扶右黃門侍郎一人執曲直華蓋從至階降輿納舄升御座前施奉珪藉王公以下至阼階脫舄劔升殿席南奉贊珪璧禮畢下殿納舄佩劔詣本位主客郎徙珪璧於東廂帝興入徙御座於西壁下東向設皇太子王公以下位又奏中嚴皇帝服通天冠升御座王公上壽禮畢食食畢樂伎奏太官進御酒主書付黃甘逮二品以上尙書駟騎引計吏郡國各一人皆跪受詔侍中讀五條詔計吏更應諾訖令陳便宜者聽詣白獸樽以次還座宴樂罷皇帝乘輿以入皇太子朝則遠遊冠乘金輅鹵簿以行與會則劔履升座會訖先興天監六年詔曰頃代以來元日朝畢次會羣臣則移就西壁下東向坐求之古義王者讌萬國唯應南面何更居東面於御座南向以西方爲上皇太子以下在北壁坐者悉西邊東向尙書令以下在南方坐者悉東邊西向舊元日御座東向酒壺在東壁下御座既南向乃詔壺於南欄下又詔元日受五等贊珪璧並量所付周捨按周禮冢宰大朝覲贊玉幣尙書古之冢宰頃王者不親撫玉則不復須冢宰贊助尋尙書主客曹郎既冢宰隸職今元日五等贊玉既竟請以主客郎受鄭元注覲禮云既受之後出付玉人於外漢時少府職掌珪璧請主客受玉付少府掌帝從之又尙書僕射沈約議王會儀注御出乘輿至太極殿前納舄升階尋路寢之設本是人君居處不容自敬宮室按漢氏則以小車升殿請自今元正及大公事御宜乘小輿至大極階仍乘板輿升殿制可

通考
禮考

陳制先元會十日百官並習儀注令僕以下悉公服監之設庭燎街闕城上殿前皆嚴兵百官各設部伍而朝宮人皆於東廊隔綺疏而觀宮門既無藉外人但絳衣者亦得入觀是日上事人發白獸樽自餘多依梁禮云

通考禮考

太建六年十一月侍中尚書左僕射建昌侯徐陵儀曹郎中沈孚奏來年元會儀注舍人蔡景歷奉敕先會一日太樂展宮懸高絙五案於殿庭帝出黃門侍郎舉麾於殿上掌故應之舉於階下詔延王公登奉圭璧訖初引下殿帝興入便殿更衣又出帝舉酒進膳御茶果太常丞跪請進舞七德繼之九序其鼓吹雜伎取晉宋之舊徵更附益舊元會有黃龍變文鹿獅子之類太建初定制皆除之至是蔡景歷奏復設焉

隋書音樂志

右陳朝儀 元旦受朝賀附

魏太祖天興元年冬詔儀曹郎董謐撰朝觀饗宴之儀

魏書禮志

元年冬詔尚書吏部郎鄧淵定律呂協音樂正月上日饗羣臣宣布政教備列宮懸

魏書樂志

孝文帝太和十五年十一月丙戌初罷小歲賀

小歲謂冬至元龜引魏志

冊府

右魏朝儀 元旦冬至受朝賀附

北齊元正大享百官一品以下流外九品以上與會一品以下正三品以上開國公侯伯散品公侯及特命之官刺史並升殿從三品以下從九品以上及奉正使人比流外官者在階下勳品以下端

門外侍中宣詔慰勞郡國使詔牘長一尺三寸廣一尺雌黃塗飾上寫詔書三計會日侍中依又班

五條詔書於諸州郡國使人寫以詔牘一枚長二尺五寸廣一尺二寸亦以雌黃塗飾上寫詔書正

賊擇良吏正決獄平徭賦二日人生在勤勤則不置其勸率田桑無或煩擾三日六極之人務加寬

養必使生有以自救沒有以自給四日長吏華浮奉客以求小譽逐末捨本政之所疾宜謹察之五

日人事意氣干亂奉公外內正會日侍中黃門宣詔勞諸郡上計勞訖付紙遣陳士宜字有脫誤者

溷淆綱紀不設所宜糾劾通考一升文理孟浪無可取者奪容刀及席既而本曹郎中禮考

考其文迹才辭可取者錄牒吏部簡同流外三品敘樂書音武成帝時元會大饗協律不得升階黃門舉麾於殿上樂志

右北齊朝儀 元旦受朝賀附

周建德二年十月六代樂成朝會五等諸侯正日獻玉帛隋書音

大象元年春正月癸巳受朝於路門帝服通天冠絳紗袍羣臣皆服漢魏衣冠 二年春正月丁亥

帝朝於道會苑隋書宣

右周朝儀 元旦受朝賀附

隋制正朝及冬至文物充庭皇帝出西房即御座皇太子函簿至明陽門外入賀復詣皇后御殿拜

賀訖還宮皇太子朝訖郡官客使入就位再拜上公一人詣西階解劍升賀降階帶劍復位而拜有

司奉諸州表羣官在位者又拜而出皇帝入東房有司奏行事訖乃出西房坐定羣官入就位上壽

訖上下俱拜皇帝舉酒上下舞蹈三稱萬歲皇太子與會則設座於御東南西向羣臣上壽畢入位

解劍以升會記先興

通考禮考

開皇四年正月梁王蕭歸朝於京師次於郊外詔廣平王楊雄吏部尚書韋世康持節以迎衛尉設次於譯館雄等降就便幕歸服通天冠絳紗袍端珪立於東階下西面文武陪侍如其國雄等立於門右東面歸攝內史令柳顧言出門請事世康曰奉詔勞於梁王願言入告歸出迎於館門之外西面再拜持節者導雄與歸俱入至於庭下歸北面再拜受詔訖雄等乃出立於館門外道右東向歸送於門外西面再拜及奉見高祖冠通天冠服絳紗袍御大興殿如朝儀歸服遠遊冠朝服以入君臣並拜禮畢而出

隋書禮儀志

自秦兼天下朝覲之禮遂廢及周封蕭贛爲梁王訖於隋恆稱藩國始有朝見之儀梁王之朝周入畿大冢宰命有司致積其餼五牢米九十莒醢醢各三十五甕酒十八壺米禾各五十車薪芻各百車既至大司空設九賓以致館梁王束帛乘馬設九介以待之禮成而出明日王朝受享於廟既致享大冢宰又命公一人元冕乘車陳九賓以束帛乘馬致食於賓及賓之從各有差致食訖又命公一人弁服乘車執贄設九賓以勞賓王設九介迎於門外明日朝服乘車還贄於公公皮弁迎於大門授贄受贄並於堂之中楹又明日王朝服設九介乘車備儀衛以見於公事畢公致享明日三孤一人又執贄勞於梁王明日王還贄又明日王見三孤如見三公明日卿一人執贄勞王王見卿又如三孤如是三公三孤六卿又各餼賓並屬官之長爲使牢米束帛同三公

通考禮考

右隋朝儀 元旦冬至受朝賀附

後魏正光元年秋孝明帝年十一加元服訖拜太廟大赦改元

通典禮典

北齊制皇帝加元服以玉帛吉圖巨方澤以幣告廟擇日臨軒中嚴羣官位定皇帝著空頂介幘以出太尉盥訖升脫空頂幘以黑介幘奉加訖太尉進太保之右北面讀祝訖太保加冕侍中繫元統脫絳紗袍加袞服事畢太保上壽羣臣三稱萬歲皇帝入溫室移御座而不上壽後日文武羣臣朝服上禮酒十二鍾米十二囊牛十二頭擇日親拜圖巨方澤謁廟

通典禮典

右天子加元服

宋元嘉十六年十二月乙亥皇太子冠大赦天下

宋書文帝紀

孝武帝大明七年冬十月壬寅太子冠賜王公以下帛各有差

宋書孝武帝紀

齊鬱林王昭業文惠太子長子封南郡王永明五年冠於東宮崇政殿其日小會賜王公以下帛各

有差

南齊書鬱林王紀

梁武帝天監十四年正月己巳朔皇太子冠赦天下賜爲父後者爵一級王公以下頒賚各有差停

遠近上慶禮

梁書武帝紀

陳文帝元嘉六年春正月甲午皇太子加元服王公以下賜帛各有差孝悌力田爲父後者賜爵一

級鰥寡孤獨不能自存者穀人五斛

陳書文帝紀

魏高祖太和十九年五月甲午皇太子冠於廟魏書高祖紀

肅宗加元服時年十一既冠拜太廟魏書禮志

北齊天統三年二月壬寅朔後主加元服北齊後主紀按齊制太子初加黑介幘次加冕皇太子初加進賢次加遠遊冠似止二加未詳其義

周宣帝高祖長子也建德元年四月癸巳高祖親告廟冠於阼階立爲皇太子周書宣帝紀

隋皇太子將冠前一日皇帝齋於太興殿皇太子與賓贊及預從官齋於正寢其日質明有司告廟各設筵於阼階皇帝袞冕卽御座賓揖皇太子進升筵西嚮坐贊冠者坐櫺設纚賓盥訖進加緇布冠贊冠進設纚纓賓揖皇太子適東序衣元衣素裳以出贊冠者又坐櫺賓進加遠游冠改服訖賓又授冕太子適東序改服以出贊冠者奉饌於筵前皇太子祭奠禮畢降筵贊冠者引太子降自西階賓少進字之納言承詔降命令有司致禮皇帝降階拜皇太子以下皆拜皇帝出更衣還官皇太子從至闕因入見皇后拜而還隋書禮儀志

右皇太子冠

南齊明帝永泰元年徐孝嗣議曰案士冠禮三加畢乃醴冠者醴則惟一而已故醴辭無二若不醴則每加輒醴以酒故醴辭有三王肅云醴本上古其禮重酒用時味其禮輕也或醴或醢二三之義詳記於經文今皇王冠畢一酌而已卽可擬古設醴而猶用醢辭實爲乖衷請自今王侯以下冠畢一酌醴以遵古之義醴卽用舊文於事爲允南齊書禮志

右諸侯大夫士冠禮

後齊皇帝納后之禮納采問名納徵訖告圓丘方澤及廟如加元服是日皇帝臨軒命太尉爲使司徒副之持節詣皇后行宮東向奉璽綬冊以授中常侍皇后受冊於行殿使者出與公卿以下皆拜有司備迎禮太保太尉受詔而行主人公服迎拜於門使者入升自賓階東面主人升自阼階西面禮物陳於庭設席於兩楹間童子以璽書版升主人跪受送使者拜于大門之外有司先於昭陽殿兩楹間供帳爲同牢之具皇后服大嚴繡衣帶綬珮加幃女長御引出升畫輪四望車女侍中負璽陪乘鹵簿如大駕皇帝服袞冕出升御座皇后入門大鹵簿住門外小鹵簿入到東上閣施步輦降車席道以入昭陽殿前至席位姆去幃皇后先拜後起皇帝後拜先起帝升自西階詣同牢座與皇后俱座各三飯訖又各醕二爵一盞奏禮畢皇后興南面立皇帝御太極殿王公已下拜皇帝興入明日后展衣於昭陽殿拜表謝又明日以榛栗棗修見皇太后於昭陽殿擇日羣官上禮又擇日謁廟皇帝使太尉先以太牢告而後徧見羣廟

隋書禮儀志

右天子納后

後齊將崇皇太后則太尉以玉帛告圓丘方澤以幣告廟皇帝乃臨軒命太保持節太尉副之設九嬪命使者受璽綬冊及節詣西上閣其日昭陽殿文物具陳臨軒訖使者就位持節及璽綬稱詔二侍中拜進受節及冊璽綬以付小黃門黃門以詣閭皇太后服褱衣處昭陽殿公主及命婦陪列於

殿皆拜小黃門以節綬入女侍中受以進皇太后皇太后興受以授左右復座反節於使者使者受節出冊皇后如太后之禮隋書禮儀志

右崇冊皇太后 冊后附

宋文帝元嘉十五年四月皇太子納妃六禮文與納后不異百官上禮其月壬戌於太極殿西堂敘宴二宮隊主副司徒侍郎以上諸二千石在都邑者並在會又詔令小會可停伎樂時有臨川曹太妃喪明帝

太始五年有司奏按晉江左以來太子婚納徵禮合用璧一獸皮二未詳所准今法章徵儀方將大

備且憲範經籍今皇太子婚納徵禮合用璋豹皮及熊羆皮與不下禮官詳議依經史記更正若應

用者爲各用一爲用兩博士裴昭明按周禮納徵元纁束帛儷皮鄭元曰束帛以致命兩皮庭實皮鹿皮晉納妃以獸

豹皮二獸豹雖文禮所不用熊羆吉祥婚典不及珪璋美爲用各異今儲皇聘納宜准經詰兼太常

丞孫詵議以爲聘幣之典損益惟我今儲后崇聘禮光訓遠皮玉美宜盡輝備儀禮稱束帛儷皮

則珪璋數同璧熊羆文豹各應用二博士虞音和議按儀禮直言元纁束帛儷皮禮記郊特牲云虎

豹皮與玉璧非虛作也虎豹皮居然用兩璋宜仍舊各一參議詵二議不異今加璋珪各一豹熊

羆皮各二通典禮典議爲允詔可

右宋皇太子納妃

齊武帝永明年中以婚禮奢貴敕諸王納妃上御及六宮依禮上棗栗股修加以香澤花粉其餘衣

物皆停唯公主降嫁則上遣舅姑

通典
禮典

右南齊皇太子納妃

梁大同五年臨城公婚公夫人於皇太子妃爲姑姪進見之制議者互有不同令曰鵷雁之儀既稱合於二姓酒食之會亦有姻不失親若使榛栗殷修贊饋必舉副筭編珈盛飾斯備不應婦見之禮獨以親闕頃者敬進醢醢已傳婦事之則而奉盤沃盥不行侯服之家是知繁省不同質文異世臨城公夫人於妃旣是姑姪宜停省

隋書禮
儀志

右梁皇太子納妃

陳天嘉三年秋皇太子納妃王氏在位文武賜帛各有差孝弟力田爲父後者賜爵二級

陳書文
帝紀

太建元年秋七月皇太子納妃沈氏王公以下賜帛各有差

右陳皇太子納妃

北齊皇太子納妃禮皇帝遣使納采有司備禮物會畢使者受詔而行主人迎於大門外禮畢會於廳事其次問名納吉並於納采納徵則使司徒及尚書令爲使備禮物而行請期則以太常宗正卿爲使如納采親迎則太尉爲使三日妃朝皇帝於昭陽殿又朝皇后於宣光殿擇日羣臣上禮他日妃還又他日皇太子拜閭皇太子及王聘禮納采問名納吉請期親迎皆用羔羊一口鴈一隻酒黍稷米麴各一斛納徵用元三疋纁二疋束帛十疋大璋一虎皮二錦采六十疋絹二百疋羔羊一口

羊口積二頭酒黍稷稻米粳各十斛從車百乘

通典禮典

右北齊皇太子納妃

周武帝建德二年詔曰政在節財禮惟寧儉而頃者婚嫁競爲奢靡牢羞之費罄竭資財甚乖典訓之禮有司宜加宣勒使咸遵禮制壬午納皇子妃楊氏

周書武帝紀

右周皇太子納妃

隋皇太子納妃禮皇帝臨軒使者受詔而行主人俟於廟門使者執鴈主人迎拜於大門之東使者入升自西階立於楹間南面納采訖仍行問名儀事畢主人請致禮於從者禮有幣馬其次擇日納吉又擇日以玉帛乘馬納徵又擇日告命又擇日命有司以特牲告廟冊妃皇太子將親迎皇帝臨軒醮而誡曰往迎爾相承我宗事勗帥以敬對曰謹奉詔既命羽儀而行主人几筵於門外西面拜皇太子答拜主人揖皇太子先入主人升立於階阼西面皇太子升進當房前北面跪奠鴈俛伏興拜降出妃父進西面戒之母於西階上施衿結帨及門內施簪申之出門妃升輅乘以几姆加幃皇太子乃馭輪三周馭者代之皇太子出大門乘輅羽儀還宮雞鳴夙興以妃朝奠并音頃於皇帝皇帝撫之又奠并於皇后皇后撫之席於戶牖間妃立於席西祭奠而出

通典禮典

右隋皇太子納妃

齊東昏侯永元元年尙書令徐孝嗣上議曰按婚禮實篚以四爵加以合卺旣崇尙質之禮及象判

合之義三王作之而用大古之器重夫婦之始也今雖以方標示約而彌乖昔典又連卷以鎖蓋出近俗復別有牢燭雕費彩飾亦曩制請除金銀連鎖自餘雜器悉用埏陶堂人執燭足充燎牢燭華侈亦宜停省奏可

隋書禮儀志

梁大同五年臨城公婚夫人於皇太子妃為姑姪遂見之制議者互有不同皇太子令曰繡鴈之儀既稱合於二姓酒食之會亦有因不失親若使榛栗脰修饗饋必舉副并編珈盛飾斯備不應婦見之禮獨以親闕頃者敬進醢醢已傳婦事之則而舉盤沃盥不行侯服之家是知繁省不同質文異代臨城公夫人於妃既是姑姪宜停省

通典禮典

後齊聘禮一曰納采二曰問名三曰納吉四曰納徵五曰納期六曰親迎皆用羔羊一口鴈一隻酒

黍稷稻米粳各一斛自皇子王已下至於九品皆同流外及庶人則減其半納徵皇子王用玄三四

纁二匹束帛十匹大璋一

第一品已下至從三品用璧玉四品已下皆無

獸皮二第一品已下至從五品用豹皮

四品雜綵十六匹五品十匹六品七品五匹

二品二十匹三品二十匹四品一百匹五品一百匹六品一百匹七品一百匹八品一百匹九品一百匹

五十匹八品三十匹

羔羊一口羊四口

二頭酒黍稷稻米粳各十斛

一品至三品減羊二口酒黍稷稻米粳各減六斛四品五品減一犢酒黍

稷稻米粳又減二斛六品已下

諸王之子已封未封禮皆同

第一品新婚從車皇子百乘一品五十

乘第二第三品三十乘第四第五品二十乘第六第七品十乘八品達於庶人五乘各依其秩之節

議曰上古人食禽獸之肉而衣其皮毛周氏尙文去質元衣纁裳猶用皮爲韠所以制婚禮納徵用元纁儷皮充當時之所服耳秦漢以降衣服制度與三代殊乃不合更以元纁及皮爲禮物也又有用虎皮豹皮者王彪之云取威猛有斑彩尤臆說也彪之當時有學知禮者且婦人主中饋婦道本柔順乃云取其威猛何乃謬誤人之常情非今是古不詳古今之異制禮數之從宜今時俗用五色信頗謂得禮之變也或曰近代所以尙循元纁儷皮之制男女配合教化人倫示存古儀務重其禮安可捨棄有類去羊荅曰元纁及皮當時之要詳觀三代制度或沿或革不同皆貴適時並無虛事豈今百王之末畢循往古之儀如三代制天子諸侯至庶人祭則立尸秦漢則廢又天下列國唯事征伐志存於射建侯擇士皆主於斯秦漢以降改制郡縣戰爭既息射藝自輕唯祀與戎國之大事今並豈要復舊制乎其朝宗覲遇行朝享禮畢諸侯皆右肉袒於廟門之東乃入門右北面立告聽事今豈須行此禮乎賓禮甚重兩楹間有反爵之坵築土爲之今會客豈須置坵乎又並安能復言古道邪略舉數事其餘可知也何必納徵猶重無用之物徒稱古禮是乖從宜之旨易曰隨時之義大矣哉先聖之言不可誣也
通典禮典

右公卿大夫士庶婚禮

宋文帝元嘉六年讀時令三公郎中每讀皇帝臨軒百僚備位多震悚失常儀唯孝武帝時劉勰明帝時謝緯善於其事人主公卿並屬目稱歎

通典禮典

北齊制立春日皇帝服通天冠青介幘青紗袍佩蒼玉青帶青袴青襪烏而受朝於太極殿西廂東

向尚書令等坐定三公郎中詣席跪讀時令訖典御酌卮酒置郎中前郎中拜還席伏飲禮成而出
立夏至立秋則施御座於中楹南向立冬如春東向各以其時之色服儀並如春禮

隋書禮儀志

右讀時令

北齊冊皇太子皇帝臨軒司徒爲使司空副之太子服遺遊冠入至位使者入奉冊讀訖皇太子跪
受冊於使者以授中庶子又受璽綬於尚書以授庶子稽首以出就冊使者持節至東宮宮臣內外
官定列皇太子階東西面若幼則太師抱之主衣二人奉空頂幘服從以受冊明日拜章表於東宮
殿庭中庶子中舍人乘輅車奉章詣闕堂謝擇日齋於崇正殿服冕乘安車謁廟擇日羣臣上禮又
擇日會明日三品以上牋賀

隋書禮儀志

右冊拜皇太子

北齊策諸王以臨軒日上水一刻吏部令史乘馬齋召版詣王第王乘高車鹵簿至東掖門止乘輅
車既入至席尚書讀策以授王又授章綬事畢出輅車入鹵簿乘高車詣閭闔伏闕表謝報訖拜廟
還第卽拜鴻臚卿持節吏部尚書授策侍御史授節使者受而出乘輅持節詣王第入就西階東面
王入立於東階西面使者讀策博士讀版王俛伏興進受策章綬茅土俛伏三稽首還本位謝如上
儀在州鎮則使者受節策乘輅車至州如王第諸王三公儀同尚書令五等開國太妃公主恭拜冊
軸一枚長二尺以白練衣之用竹簡十二枚六枚與軸等六枚長尺二寸文出集書書皆篆字哀冊

贈冊亦同諸侯王五等開國及鄉男茶拜以其封國所在取社稷壇方面土苞以白茅內青箱中函方五寸以青塗飾封授之以爲社

通典禮典

隋臨朝冊命三師諸王三公並陳車輅餘則否百司定列內史令讀冊訖受冊者拜受出又引次受冊者如上儀若冊開國郊社令奉茅土立於仗南西面每授冊訖授茅土焉

隋書禮儀志

右冊拜諸王侯

魏孝文帝太和十一年冬十月甲戌詔曰鄉飲禮廢則長幼之序亂孟冬十月民閑歲隙宜於此時導以德義可下諸州黨里之內推賢而長者教其里人父慈子孝兄友弟順夫和妻柔不率教長者具以名聞

魏書孝文帝紀

隋制國子寺每歲以四仲月上丁釋奠於先聖先師年別一行鄉飲酒禮州郡亦每年於學一行鄉飲酒禮

隋書禮儀志

右鄉飲酒禮

南齊高帝建元元年九月車駕幸宣武堂宴會詔諸王公以下賦詩 二年三月車駕幸樂游苑宴

王公以下賦詩

南齊書高帝紀

武帝永明二年八月車駕幸舊宮小會設金石樂在位者賦詩 四年閏正月車駕幸閱堂勞酒小

會 五年三月車駕幸芳林園禊宴

南齊書武帝紀

梁武帝大同十年三月幸回賓亭宴故鄉父老 太清元年五月丁酉輿駕幸德陽堂宴羣臣設絳

竹樂

梁書武帝紀

陳武帝永定二年十二月高祖於太極殿東堂宴羣臣設金石之樂

陳書武帝紀

太建四年十二月甘露降樂游苑輿駕幸樂遊苑采甘露宴羣臣

陳書宣帝紀

魏明元帝永興四年四月宴羣臣於西宮使各獻直言 五年十一月癸酉大饗於西宮

魏書明元帝紀

景明三年十二月壬寅饗羣臣於太極前殿

魏書宣武帝紀

北齊天保九年十一月帝登三臺御乾象殿朝宴羣臣並命賦詩

北齊書文宣帝紀

周武成二年正月朔大會羣臣於紫極殿始用百戲焉三月辛酉重陽閣成會羣公列將卿大夫及

突厥使者於芳林園賜錢帛各有差

周書明帝紀

隋開皇三年三月庚申宴百僚 十二年十一月壬子宴百僚頒賜各有差

隋書高祖紀

大業十一年正月甲午朔大饗百僚

隋書煬帝紀

右宴饗